

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola LXIV. Gregorii Papae I. Ad Narsem Patricivm. De Ioanne episcopo,
qui apostolicae sedis Canones contemnebat, & causa presbyterorum eius.

urn:nbn:de:hbz:466:1-15221

EPISTOLARVM LIBER II. 341

eloquii vigilanter ingenium reducit. Sic quippe necesse est, vt si illa omnimodo caueri non possint, ista non omnimodo postponantur. Sed per omnipotentem Dominum rogo, mihi in tantis tribulationum fluctibus laboranti tende orationis manum, vt ex vestra intercessione ad summa releuer, qui culparum mearum pondere ad profundum premor. Imperatorem vero Persarum etsi non fuisse conuersum doleo, vos tamen ei Christianam fidem prædicasse omnimodo exulto, quia etsi ille ad lucem venire non meruit, vestra tamen sanctitas prædicationis suæ præmium habebit. Nam & Æthiops in balneum niger intrat, & niger egreditur, sed tamen balneator numeros accipit. De Mauricio autem bene dicitis, vt in actione eius ab umbra statuam cognoscam, id est, in minimis maiora perpendam. In hoc tamen ei credimus, quia eius nobis animam sacramenta & obsides ligant.

EPISTOLA LXIV.
GREGORII PAPÆ I.
AD NARSEM PATRICIVM.

De Ioanne episcopo, qui apostolicæ sedis Canones contemnebat, & causa presbyterorum eius.

Gregorius Narsi patricio.

MVLT A mihi dulcissima caritas vestra per epistolas suas in bona operationis laudibus est locuta, ad quæ omnia breuiter ego respondeo: *Nolite me vocare Noemi, id est Ruth 1. pulcrum: sed vocate me Mara, id est amarum, quia amaritudine plenus sum.* De causa vero presbyterorum, quæ cum fratre meo & coepiscopo viro reuerendissimo Ioanne patriarcha agitur, ipsum puto aduersarium patimur, quem asseris velle Canones custodire. Caritati autem tuæ breuiter fateor, quia omni virtute & omni pondere eamdem causam, auxiliante omnipotente Deo, exigere paratus sum. In qua si video sedis apostolicæ Canones non seruari, dabit omnipotens Deus quid contra contemptores eius faciam. Quod autem scripsit mihi caritas vestra, vt filio meo domino Theodoro archiatro & ex prefecto pro vobis gratias agerem, feci: & quantum potui vos commendare minime cessavi. Peto autem mihi ignoscas, quod epistolis tuis

V u iij

Psal. 101. sub breuitate respondeo: quia tantis tribulationibus pre-
mōr, vt mihi neque legere, neque per epistolas multa lo-
qui liceat. Hoc solum tibi breuiter dico: *Quia oblitus sum
manducare panem meum, a voce gemitus mei.* Omnes qui vobis-
cum sunt, mea peto vice salutari. Domnæ Dominicæ fa-
lutes meas dicite: cui minime respondi, quia cum sit Latini-
na, Græce mihi scripsit.

EPISTOLA LXV.

G R E G O R I I P A P A E I.

AD THEODORVM MEDICVM.

Conqueritur de iniusta lege imperatoris, ne milites con-
uertantur in monasterio.

Gregorius Theodoro medico, &c.

Iuo par. 10.
cap. 119.
Ioan. diac.
lib. 3. c. 49.

QVANTA bona omnipotentis Dei & serenissimi do-
mini mei imperatoris habeam, lingua mea non suffi-
cit explere. Pro quibus bonis quid est meum retribuere,
nisi eorum vestigia pure amare? Peccatis autem meis fa-
cientibus, ex quorum suggestione vel consilio, nescio an
vestro, transfacto anno talem in republica sua legem protu-
lit, vt quisquis eum pure amat, flere vehementer debeat.
Ad quam legem tunc respondere non potui, quia ægrotus
fui. Modo autem eidem domino aliqua suggesti. Präce-
pit enim vt nullus qui actionem publicam egit, nullus qui
officio, vel manu signatus, vel inter milites fuit habitus,
ei in monasterio conuersti liceat, nisi forte si militia eius
fuerit expleta. Quam legem primum, sicut ii dicunt qui le-
ges veteres nouerunt, Julianus protulit, de quo scimus
omnes quantum Deo aduersus fuerit. Quod si ideo sere-
nissimus dominus noster fecit, quia forte multi milites
conuertebantur, & exercitus decrescebat, numquid per
virtutem militum subiugavit ei omnipotens Deus impe-
rium Persarum? Numquid non solæ lacrymæ illius auditæ
sunt, & eo ordine quem ipse nesciuit, eius imperio Persa-
rum regnum subdidit? Valde autem mihi durum videtur,
vt ab eius seruitio milites suos prohibeat, qui ei & omnia
tribuit, & dominari eum non solum militibus, sed etiam
sacerdotibus concessit. Numquid si intentio est seruanda-
rum rerum, non poterant ea ipsa monasteria, quæ milites